



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-3-40-557-8/23**
Datum: **23.02.2024. godine**

Agencija za vodno područje rijeke Save» Sarajevo rješavajući po zahtjevu pravnog lica „Tuzla-Kvarc“ d.o.o. Tuzla za donošenje rješenja o vodnoj dozvoli za ispuštanje tehnoloških i oborinskih onečišćenih voda i aktivnosti koje mogu imati specifične uticaje na vode sa lokaliteta pogona za mokru separaciju kvarcnog pijeska izgrađenog u naselju Bukinje, općina Tuzla, na osnovu člana 139. stav (1) tačke 3. i 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

RJEŠENJE **o vodnoj dozvoli**

1. Pravnom licu „Tuzla-Kvarc“ d.o.o. Tuzla, daje se vodna dozvola za ispuštanje tehnoloških i oborinskih onečišćenih voda i aktivnosti koje mogu imati specifične uticaje na vode sa lokaliteta pogona za mokru separaciju kvarcnog pijeska izgrađenog u naselju Bukinje, grad Tuzla.
2. Ova vodna dozvola se odnosi isključivo za aktivnost ispuštanja tehnoloških otpadnih voda i aktivnosti koje mogu imati specifične uticaje na vode sa lokacije predmetnog pogona i pratećih objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno - fekalnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav (2) tačke 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije te izvršenim uviđajem na lokaciji objekta, pod sljedećim uslovima:
 - 3.1. Da pravno lice „Tuzla-Kvarc“ d.o.o. Tuzla obezbijedi da se sistem prikupljanje, tretman i ispuštanje otpadnih voda kao i objekti izgrađeni na lokaciji za separaciju kvarcnog pijeska u naselju Bukinje održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se u periodu do 31.08.2024. godine izvedu radovi (označeni kao FAZA 1 projektnog rješenja), na izgradnji taložnika T2 (završetak radova), odvodnog cjevovoda, monitoring okna i ispusne građevine u vodotok Joševica.
 - 3.3. Da se u periodu do 10.12.2024. godine izvedu radovi (označeni kao FAZA 1 projektnog rješenja), tj. izvrši izgradnja sistema slivnih kanala i kanala sa rešetkom u cilju prikupljanja tehnoloških otpadnih voda sa prostora separacije mineralne sirovine, sistema za recirkulaciju izbistrene vode i platoa za odlaganje mulja nakon čišćenja taložnika.
 - 3.4. Da se u periodu do 31.05.2025. godine izvrši izgradnju AB taložnika T3 preko kojeg se odvija odvodnja dijela manipulativnog platoa separacije (označeno kao FAZA 2 projektnog rješenja).
 - 3.5. Da se u periodu do 30.11.2025. godine izvrši izgradnja okna za monitoring, odvodni cjevovod i ispusna građevina u vodotok Joševica (FAZA 2 projektnog rješenja).
 - 3.6. Da se u periodu do 20.06.2026. godine izvrši izgradnja sistema slivnika i slivnih kanala sa rešetkom u cilju prikupljanja oborinskih onečišćenih voda sa dijela manipulativnih površina separacije, kojima će se prikupljena voda odvoditi prema taložniku T3 (FAZA 2 projektnog rješenja).
 - 3.7. Aktivnosti navedene u tačkama 3.2. do 3.6. realizovati u skladu sa projektnom dokumentacijom: „Glavni projekat vanjskog uređenja kompleksa, rekonstrukcija postojećeg sistema prikupljanja, odvodnje i tretmana tehnoloških otpadnih voda i zbrinjavanje mulja nastalog u postupku prečišćavanja otpadnih voda za firmu „Tuzla-Kvarc“, urađen od strane Spreča d.d. Tuzla, februar 2017. godine i dostavljenim dinamičkim planom.

- 3.8. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.9. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Prilog 27. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24).
- 3.10. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24). Rezultate analiza dostaviti ovoj Agenciji.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.11. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.12. Da se objekti čija je svrha odvođenje i prečišćavanje tehnoloških i onečišćenih voda (betonski taložnici, betonski i zemljani kanali i slivnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
- 3.13. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.14. Sadržaj (mulj) iz taložnika otpadnih voda i ostali otpad ne smije se odlagati na česticu „vodno dobro”, odnosno u vodotoke i na njegove obale.
- 3.15. Da se istrošena ulja, nauljene krpe i sav opasan otpad koji se koristi u procesu rada objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.16. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.17. U toku rada pogona pogona za mokru separaciju kvarcnog pijeska sirovina i frakcije prerađenog kamena ne smiju se ni privremeno odlagati na česticu „vodno dobro”, odnosno u vodotok i na njegove obale.
- 3.18. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje V („Službene novine Federacije BiH”, broj 92/07, 46/09, 79/11, 88/12 i 03/16).

5. Za utvrđeni broj EBS-a, prema rezultatima ispitivanja ovlaštene laboratorije, vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12).
6. U periodu važenja ove dozvole, pravno lice je dužno provoditi sve mjere i aktivnosti propisane istom.
7. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
8. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24) sa rokom važenja do 30.06.2026. godine, uz uslov da se aktivnosti obuhvaćene tačkom 3. dispozitiva rješenja u cijelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Tuzla-Kvarc” d.o.o. Tuzla, zahtjevom broj: IP-1944/23 od 04.12.2023. godine zaprimljenim 08.12.2023. godine, se obratilo ovoj Agenciji za donošenje rješenja o vodnoj dozvoli za ispuštanje tehnoloških i oborinskih onečišćenih voda i aktivnosti koje mogu imati specifične uticaje na vode na lokaciji pogona za mokru separaciju kvarcnog pijeska izgrađenog u naselju Bukinje, općina Tuzla. U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Obavijest o realizaciji aktivnosti na terenu broj: IP-1946/23 od 04.12.2023. godine;
- Ovjerena kopija aktuelnog izvoda iz sudskog registra, od 16.10.2023. godine, Općinski sud u Tuzli;
- Ovjerena kopija Uvjerenja o poreznoj registraciji poreznog obveznika donesenog od strane Porezne uprave - Kantonalni porezni ured Tuzla, dana 01.07.2014. godine;
- Kopija saglasnosti za obavljanje poslova rudarske djelatnosti, broj: UP1-16-18-2-06526/2018-1607-4-P od 23.01.2019. godine, Federalni rudarsko, termo i elektro-energetski inspektorat;
- Kopija Izvještaja o monitoringu kvaliteta i kvantiteta otpadnih voda — „Tuzla-Kvarc” d.o.o. Tuzla, broj: 1328/23; septembar 2023. godine, urađen od strane „Inspekt-RGH” d.o.o. Sarajevo;
- Kopija Rješenja o vodnoj dozvoli, broj: UP-I/25-3-40-014-9/19 izdatog 22.04.2019. godine, od strane Agencije za vodno područje rijeke Save Sarajevo;
- Dokaz o uplaćenju upravnoj taksi;
- Glavni projekat vanjskog uređenja kompleksa, rekonstrukcija postojećeg sistema prikupljanja, odvodnje i tretmana tehnoloških otpadnih voda i zbrinjavanje mulja nastalog u postupku prečišćavanja otpadnih voda za firmu Tuzla-Kvarc, urađen februara 2017. godine od strane J.P. „Spreča” d.d. Tuzla.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uvidaju broj: UP-1/21-3-40-557-2/23 od 12.01.2024. godine.

Na osnovu pregleda raspoložive dokumentacije i izvršenog uviđaja na predmetnoj lokaciji utvrđeno je slijedeće:

Pravno lice „Tuzla-Kvarc“ d.o.o. Tuzla je posjedovalo Rješenje o vodnoj dozvoli broj: UP-I/25-3-40-014-9/19 izdatog 22.04.2019. godine izdato od ove Agencije sa rokom važenja do 19.12.2023. godine. Navedeno Rješenje o vodnoj dozvoli izdato je u skladu sa članom 13. stav (5) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 101/15, 1/16 i 101/18) uz uslov da se realizuju aktivnosti iz dinamičkog plana obuhvaćeni tačkom 3. dispozitiva navedenog rješenja.

Prilikom uviđaja na terenu utvrđeno je da aktivnosti i rokovi navedeni u dinamičkom planu, a koji se odnose na izvođenje radova po Glavnom projektu a koji su dati kroz uslove Rješenja, nisu ispunjeni.

U skladu sa članom 1. stav (1), (3), i (4) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) traženo je od podnosioca zahtjeva da dostavi dinamički plan koji treba da sadrži:

Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje tehnoloških otpadnih voda na obrascu iz Priloga A. ove uredbe, razrađen po godinama i mjesecima sa konačnim rokom realizacije najkasnije do roka 30.06.2026 godine.

Dana 13.02.2024. godine je dostavljen akt broj: IP-163/24 od 07.02.2024. godine, koji sadrži detaljno obrazloženje postupanja po uslovima iz rješenja o vodnoj dozvoli UP-I/25-3-40-014-9/19 od 22.04.2019. godine, sa prilogom dinamičkog plana na obrascu iz Priloga A. uredbe. U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda na predmetnoj lokaciji za 2024., 2025. i 2026. godinu. Aktivnosti i rokovi iz dinamičkog plana su propisani u dispozitivu ovog rješenja.

U prilogu dinamičkog plana dostavljena je slijedeća dokumentacija:

- Izjava broj: IP-162/24 od 07.02.2024. godine, kojom pravno lice „Tuzla-Kvarc“ d.o.o. Tuzla izjavljuje da se odustalo od FAZE 3 realizacije projekta tj. odustalo se od izgradnje interne benzinske stanice i pripadajućeg platoa;
- Zahtjev za izdavanje urbanističke saglasnosti za izgradnju taložnog bazena separacije, broj: IP-908/22 od 15.07.2022. godine, upućen Gradu Tuzla;
- Zahtjev za dopunu dokumentacije u postupku izdavanja urbanističke saglasnosti, Služba za prostorno uređenje i zaštitu okoline, Grad Tuzla, 01.11.2022. g.;
- Zahtjev za izdavanje mišljenja za građenje u krugu „Tuzla-Kvarc“ doo Tuzla, broj: IP355/23 od 23.03.2023. upućen prema Rudnici Uglja Kreka u Tuzli;
- Kopija mišljenja Rudnik Uglja „Kreka“ d.o.o. – Tuzla, broj: 01/04-12457/23 od 11.12.2023. godine;
- Obavijest broj: IP-802/19 od 06.08.2019. godine, o zamjeni spremnika goriva – ugradnji cisterne sa tankvanom za dizel gorivo.

U prethodnom periodu, po uslovima iz ranije vodne dozvole, izgrađen je objekat taložnika T2 (betonski radovi). Podnosilac je dostavio detaljno obrazloženje postupanja po ranijem rješenju o vodnoj dozvoli i naveo razloge kašnjenja u realizaciji planiranih aktivnosti na realizaciji projekta prikupljanja, tretmana i ispuštanja otpadnih voda sa predmetne lokacije.

Koncept tehničkog rješenja (označeno kao FAZA 1) podrazumijeva da se zamuljene vode separacije prikupljaju sistemom kanala te odvede preko postojećeg taložnika T1 a potom preko novoprojektovanog taložnika T2, monitoring okna i ispusne građevine ispuštaju u vodotok Joševica. Projektovane aktivnosti (FAZA 1) koje se odnose na izgradnju taložnika T2 (završetak radova), odvodnog cjevovoda, monitoring okna i ispusne građevine će se na terenu realizovati do 31.08.2024. godine, a slivni kanali, kanali sa rešetkama, sistem za recirkulaciju izbistrene vode i plato za isušivanje mulja do 10.12.2024. godine.

Realizacija aktivnosti (označeno kao FAZA 2) podrazumijeva izgradnju AB taložnika T3 preko kojeg se odvija odvodnja dijela manipulativnog platoa separacije do 31.05.2025. godine. Nakon taložnika T3 potrebno je izgraditi monitoring okno te odvodni cjevovod sa ispustom u vodotok, do 30.11.2024. godine. Izgradnja sistema slivnika i slivnih kanala sa rešetkom u cilju prikupljanja oborinskih onečišćenih voda sa dijela manipulativnih površina separacije, kojima će se prikupljena voda odvoditi prema taložniku T3, realizovati će se do 20.06.2026. godine.

Podnosilac je dostavio izjavu kojom izjavljuje da se odustalo od FAZE 3 realizacije projekta tj. odustalo se od izgradnje interne benzinske stanice i pripadajućeg platoa u krugu firme, te je ova aktivnost uklonjena dostavljenog iz dinamičkog plana.

Na osnovu dostavljene dokumentacije, uviđaja na predmetnoj lokaciji i dostavljenog dinamičkog plana, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Tuzla-Kvarc” d.o.o. Tuzla ispunio minimum uslova za izdavanje vodne dozvole za ispuštanje tehnoloških otpadnih voda, oborinskih onečišćenih voda i aktivnosti koje mogu imati specifične uticaje na vode sa lokaliteta pogona za mokru separaciju kvarcnog pijeska izgrađenog u naselju Bukinje, općina Tuzla, te je riješeno kao u dispozitivu ovog Rješenja.

Podnosilac zahtjeva je, na ime izdavanja ovog vodnog akta, izvršio uplatu federalne takse iz tar.br. 43. Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10, 43/13 i 98/17).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.


Voditelj postupka

Nihad Pezo, dipl.inž.građ.

Prilog:

Glavni projekat vanjskog uređenja kompleksa, rekonstrukcija postojećeg sistema prikupljanja, odvodnje i tretmana tehnoloških otpadnih voda i zbrinjavanje mulja nastalog u postupku prečišćavanja otpadnih voda za firmu TUZLA-KVARC, urađen februara 2017. godine od strane J.P. „Spreča” d.d. Tuzla.

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- „Tuzla-Kvarc” d.o.o. Tuzla, ul. 21. Decembra bb, 75000 Tuzla (Prilog)
- ⊙ AVP Sava, ISV – Vodna knjiga
- Sektor 50
- Sektor 40, arhiva
- AVP Sava - Oglasna ploča